



Niels Thomsen  
Inatsisartuni ilaasortaq, Demokraatit  
/ Maani

**§ 37 naapertorlugu apeqquummi nr. 2011-110-imi apeqqutinut 1, 5, 7, 8 aamma 9-mut akissuteqaat**

Asasara Niels Thomsen

Ineqarnermut soqutiginninnerit apeqquutilliinerillu pillugu qujanarsuaq.

Siusinnerusukkut nalunaarutigineqareersutut apeqqutigisannut akissuteqaammi matumani apeqqutit 1, 5, 7, 8 aamma 9 kisimik pineqarput.

**Apeqqut 1:**

Aningaasat qanoq amerlatigisut Namminersornerullutik/Namminersorlutik Oqartussat ataatsimut piviusumik atorsimavaat inissanik sanaartornermut (ineqarnerup iluani) ukiuni ataasiakkaani piffissami 2006-mit 2010 ilanngullugu? "Ataatsimut piviusumik" oqarnermi pineqarpoq, aningaasat sanaartornermut atorneqarsimanissaat Sanaartugassanut lluarsagassanullu Aningaasaateqarfimmut inissinneqaannaratik kingusinnerusukkut atugassanngortinneqarlutik.

**Akissut:**

Ineqarnermut, Attaveqarnermut Angallanermullu Naalakkersuisoqarfik ineqarnermi inissialiortiternermut atukkanut ataatsimoortunut takussutissiamik ataatsimoortumik suliaqarsinnaanngilaq, tassani ineqarnermut aningaasalersueriaatsit arlallit atuutsinneqarmata.

Ineqarnermut, Attaveqarnermut Angallanermullu Naalakkersuisoqarfik ukiut tamaasa Inatsisartut Aningaasaqarnermut Ataatsimiititaliaannut inissianut aningaasaliissutit agguarneqarnerat pillugu ilisimatitsissummik suliaqartarpoq.

Ilisimatitsissummi tassani aningaasalersueriaatsit assigiinngitsut immikkoortillugit nassuiarneqartarput, periaaserlu taanna aamma apeqqut 1-imut akissummi atorneqassaaq.

30. juni 2011  
Sagsnr. 2011-050392  
Dok. Nr. 668678

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Tassalu 2006-imiit 2010-mut aningaasalersueriaatsini assigiinngitsuni aningaasaliissutit atukkallu imatut agguarneqarput.

Mio. kr.	2006	2006	2007	2007	2008	2008	2009	2009
Konto pingarneq	Aningaasaliissutit	Atukkat	Aningaasaliissutit	Atukkat	Aningaasaliissutit	Atukkat	Aningaasaliissutit	Atukkat
87.72.21 Inissianik kommuninit attartortitassanik tapiissutitalimmik sanaartorneq	22,3	30,1	45,0	27,5	50,7	41,2	69,8	24,7
87.72.22 Nunaqarfinnut isorliunerusunullu inissialiortiternermut pilersaarut	52,0	59,7	73,2	39,6	71,8	43,7	20,0	16,8
89.72.11 Nammineq inissianik tapiissutitalimmik sanaartorneq	108,1		140,9	140,7	49,2	49,2	43,2	39,9
87.72.23 Ineqarnermut tapersiissuteqartarneq , iluarsaassinermut tapiissutit	5,0	2,2	9,0	5,7	11,0	8,5	1,5	4,0
89.72.21 Inissialiortiternermut tapiissutit, iluarsaassinermut immikkullu ittumik aserfallatsaaliuinermut taarsigassarsititsineq	10,0	7,0	9,0	6,3	7,0	5,9	3,0	7,0
<b>Katillugit</b>	<b>197,4</b>	<b>99,0</b>	<b>277,1</b>	<b>219,8</b>	<b>189,7</b>	<b>148,5</b>	<b>137,5</b>	<b>92,4</b>

Takussutissiaq 1. 2006-imiit 2010-mut aningaasaliissutinut atukkanullu takussutissiaq

Malugalugu, kontomi pingarnermi 89.72.11-mi ukiumut aningaasaliiffiusumut 2006-imut atukkat allanneqarsimangimmata, paasissutissat piffissaq eqqorlugu pissarsiarineqarsinnaasimangimmata.

#### Apeqqu 5:

Aningaasat qanoq amerlatigisut Naalakkersuisut, taassumalu ataani Illuut A/S, inissanik sanaartornermut atulikkersaarpaat 2011-minngaanniit siumut ukiuni missingersuusiorfiusuni tamani agguarneqarluni apeqqu tit aappaanni sumiiffinni taakkartorneqartuni.

#### Akissut:

2011-mut Inatsisartut Aningaasanut Inatsisaanni kontomi pingarnermi 89.72.12 Inissialiortiternerit aamma taartissanik inissialiortiternerneq, 2011-mut, 2012-imut, 2013-imut kiisalu 2014-imut aningaasaliissutissat 990,5 mio. koruuniusut ilanngunneqarput. 2011-miit 2014-imut suliassat maannakkorpiaq suliassanut ukununga imatut eqikkarneqarsinnaapput:

- Nanortalik, 2011, ilaqutariinnut illu ataaseq marlulluunniit, tamarmik immikkut sisamanik inissiartaqartut
- Nanortalik, 2014, ilaqutariinnut illu ataaseq marlulluunniit, tamarmik immikkut sisamanik inissiartaqartut
- Qaqortoq, 2011, illoqarfimmi illu 12-inik inissiartaqartoq
- Qaqortoq, 2013, illoqarfimmi illu ataaseq marlulluunniit, tamarmik immikkut 12-inik inissiartaqartut
- Nuuk, 2011, Pisissiani inissiat 84-it
- Nuuk, 2011, Sarfarsunni inissiat 28-t
- Nuuk, 2011, Pingorsuarmi inissiat 300-t
- Nuuk, 2011, Innartalimmi inissiat 96-it
- Nuuk, 2012, Pisissiani inissiat 72-it
- Nuuk, 2014, Imeqarfiup kitaani inissiat 150-it
- Sisimiut, 2011, illoqarfimmi illut pingasut, tamarmik immikkut 12-inik inissiartaqartut
- Sisimiut, 2014, illoqarfimmi illut marluk pingasulluunniit, tamarmik immikkut 12-inik inissiartaqartut
- Aasiaat, 2011, ilaqutariinnut illu ataaseq marlulluunniit, tamarmik immikkut sisamanik inissiartaqartut
- Aasiaat, 2013, ilaqutariinnut illu ataaseq marlulluunniit, tamarmik immikkut sisamanik inissiartaqartut
- Ilulissat, 2011, illoqarfimmi illut marluk, tamarmik immikkut 12-inik inissiartaqartut
- Ilulissat, 2014, illoqarfimmi illu ataaseq marlulluunniit, tamarmik immikkut 12-inik inissiartaqartut
- Tasiilaq, 2011, ilaqutariinnut illu ataaseq marlulluunniit, tamarmik immikkut sisamanik inissiartaqartut
- Tasiilaq, 2013, ilaqutariinnut illu ataaseq marlulluunniit, tamarmik immikkut sisamanik inissiartaqartut

Aningaasanut inatsimmit aningaasaliissutit saniatigut avataaniit aningaasalersuisoqassaaq, soorlu realkredittimit imaluunniit aningaaserivimmit taarsigassarsinikkut.

#### **Apeqqut 7:**

Oqallittarnermi Nuuk, Sisimiut, Ilulissat Qaqortorlu eqqaakkajunneqartarput tassaasutut illoqarfiit sisamat ineriartornermi qitiusutut. Naalakkersuisut taamatut oqaaseqaat isiginerlugu arlaatigut aningaasaqarnikkut piviusorsiorortaqaartut? Aamma Naalakkersuisut nalilernerlugu illoqarfinni taakkunani immaqa aningaasarsiornikkut siuariartorneq, tamakkiisumik annertuumilluunniit, peqquteqartinneqarsinnaasoq pisortaniit aningaasaleeqataaffigineqarsimasut inissanut aningaasaliinerit?

#### **Akissut:**

Pisariaqartitsiviunerpaasuni sanaartornissamik tamannalu malillugu tulleriarinissamik kissaateqarnerput Naalakkersuisunit aalajangiusimaneqarpoq. Aamma Nuup avataani illoqarfinni allani sanaartornerunersoqassasoq pillugu Naalakkersuisut oqarnertik aalajangiusimavaat. Ilinniartunut inissiani amerlangaatsiartuni oquk annertuumik ajornartorsiutigineqartoq Naalakkersuisut ilisimalersimavaat. Ilinniartitaaneq Naalakkersuisunit annertuumik pingaartinneqarmat, ilinniartunut inissianik

sanaartornissaq nutarterinissarlut inissialiortiternermit pingaarnertutinneqassaaq. Ilinniartunut inissiani eqqorneqartuni ajornartorsiuutit annertussusia paasiniaaffigalugu Naalakkersuisut aallartippaat. Tamatuma kingunerisaanik ilinniartunut inissianik sanaartornissaq ataatsimut isigalugu allanngortiterisoqarsinnaanera qularineqassanngilaq.

Kalaallit Nunaanni sumiiffinni arlalinni, ilaatigullu Tasiilami Sisimiunilu sanaartugassanik Naalakkersuisut neqerooruteqartitsineranni m<sup>2</sup>-mut akiusut akuersaarneqarsinnaanngitsumik qaffasippallaarsimapput, taamaattumillu akit taakku appartinniarlugit suliniutinik ingerlatsisoqarpoq. Tamanna sinerissami sanaartugassat kinguaattoornerinik kinguneqassaaq. Naalakkersuisut sulisitsisunik ataatsimeeqateqaqattaarnerini erseqqissarneqarpoq, akit aatsaat akuersaarneqarsinnaasunik annertussuseqarpata Naalakkersuisut inissialiortitersinnaasut. Ataatsimut isigalugu Nuummi akit sinerissap sinneranut sanilliullutik appsimapput, tamannalu ineqarnermut akiliutit akuersaarnartumik annertussusilernissaannut pisariaqarpoq, tassani attartortut akiliisinnaanissamut aningaasaqarnermikkut periarfissaqarnissaat eqqarsaatigineqarluni.

#### **Apeqqut 8:**

Naalakkersuisut ataani tunngavilersuutigisanni inissanik sanaartornermut tunngaviumik isummersuutikka isumaqatigalugit nalunaarutigisinnaanerlugu, aammalu Naalakkersuisunut ilaasortaq qanoq isumaqarpa tamanna isumaqatigiinneq tigussaasunngorluni ersersinneqartoq ineqarnermut politikimi? Taassuma ataani aamma immikkut paasissutissiissutigitikkusunnarpoq, qanoq annertutigisumik Naalakkersuisunut ilaasortap, uattulli, isumaqarnersoq inissanik sanaartornerup annertunerpaamik ikorfartussagaa innuttaasut namminneq inissanut kissaataat, innuttaasunit ersersinneqarluni inissanut utaqqisuni naqitsinikkut sumiiffinni innuttaasut namminneq nutserfigisaanni, najugaqarfinnuunngitsaq innuttaasut qimagarfigisaanni?

#### **Akissut:**

Illoqarfinni arlalinni inissianik sinnilinnik peqartoq aammalu illuutinik matooraasoqartoq Naalakkersuisut eqqumaffigaat. Taamatuttaaq inissianik iluarsaassinerit annertunerusumik Nuup avataani aallunneqartut Naalakkersuisut eqqumaffigaat. Nuummi pilertortumik iluarsaassinissamut pisariaqartitsiviusut 2.000-it sinnerlugit amerlassuseqartutut, aammalu 130.000 m<sup>2</sup>-t sinnerlugit annertussuseqartutut naatsorsorneqarsinnaasut misissuinerit kingullit takutippaat. Iluarsagassat m<sup>2</sup>-mut 14.000 koruuninik aningaasartuuteqarfiussappata, aningaasartuutissat 1,8 mia. koruunerpiaassapput. Taamaattumik inissianik iluarsaattarialinnik isaterilluni inissianik nutaaliaasunik nutaanik sanaartornissaq politikkitut atussallugu pitsaasuussaaq. Inissiaq pisoqaaq iluarsaanneqartoq nutaatut isikkoqalersinnaanngilaq, tassaajuassalluni inissiaq pisoqaaq iluarsaanneqarsimasooq, inissiatut pisoqqatut akornutissartaqartuortoq.

Aamma maannakkut attartortuusunit aningaasarissaartut, taamaattumillu inissianik nammineerlutik pigisassaminnik tiguisinnaasut arlaqarmata Naalakkersuisunit eqqumaffigineqarpoq. Attartortut "namminneerlutik najukkaminni naalagaalernissamut" periarfissaannut tassunga tapersersuinissaq Naalakkersuisunit pingaartinneqarpoq. Taamaattumik attartortut inissianut nutaanut, Namminersorlutik Oqartussat, soorlu Illuutiqatigiiffik Illuut A/S aqutugalugu sanaartugaannut iserternissamut neqeroorfigineqarnerinut atatillugu tamanna periarfissiissutigineqarpoq.

Aamma nammineq piumasamik nuttarsinnaaneq Naalackersuisut tapersorsorpaat, tassanilu innuttaaqativut suliffissaqarneq, ilinniagaqarneq inuunermilu pitsaannerusunik atugassaqarneq malillugu nuussinnaanerat periarfissaqartinneqarpoq. Taamaattumik nuttarsinnaaneq naammassineqassappat sumiiffinni innuttaasut nuuffissaanni inissianik sanaartornissaq pingaaruteqarpoq.

**Apeqqut 9:**

Naalackersuisut tigussaasunik pilersaaruteqarnerlutik inissanik sanaartornermut allatut tulleriarinissamik imaluunniit aningaasaliissutinik annerusumik allannguissamik, eqqarsaatiginngikkaanni naatsorsuutigineqarsinnaasut saqqummiunneqarumaarlutillu piviusunngortinneqarumaartut Akileraartarneq Atugarissaarnerlu pillugu Isumalioqatigiissitap siunnersuutigisimasai?

**Akissut:**

Ukiuni tulluuttuni ineqarnermut suliassaqarfimmi periusissanut siunnersuummik Naalackersuisut suliaqaleruttorput. Periusissani inissiatit maannakkut pigineqartut isummerfigineqassapput, aammalu inissianik iluarsaassinissamut, atasinnaassutsimik sivitsuiniarnermut isaterinissamullu siunnersuuteqartoqassalluni. Tamatuma saniatigut ineqarnermut suliassaqarfimmi periusissami nutarterinissamut, minnerunngitsumillu sumiiffinni inissianik annertuumik atorfissaqartitsiviusuni inissiat amerlisinneqarnissaannut siunnersuusiortoqassaaq. Tamatumunnga atatillugu inissianik, tassalu inissianik attartortittakkanik inissianillu nammineerluni pigisanik assigiinngitsunik angissusilinnik neqeroorutigineqarsinnaasunik peqarluarnissaq pingaaruteqarpoq.

Apeqqutit 2, 3, 4 aamma 6 septembarip qaammataata affaata siulliup ingerlanerani akineqarumaarput.

Inussiarnersumik inuulluaqqusillunga

Jens B. Frederiksen